

ՀԱՅՐԱՊԵՏԱՆ

ՔԱՐԲԱՌ ՄԱՅՐԵՆԻ

Քանի աշխարհում կայ Արարատ Սար,
 Ճակատին՝ Հայոց փառքն արեւատառ,
 Ոչ մի ահեղ ձեռք քեզ չի սասանի,
 Մեր սրտից կերտուած բարբառ Մայրենի:

Քանի կայ հողը մեր հայրենական,
 Կան ծաղկունքը վառ, ժպիտը մանկան,
 Պիտի յորդանաս նման ովկիանի,
 Բիրենդեայ քերթուած՝ բարբառ Մայրենի:

Քանի Արաքսը կ'երթայ դէպի ծով,
 Մերք ծիծաղելով, մերք լուռ քախծելով,
 Պիտի բարկ պահես յոյսն Հայաստանի,
 Մեր արեամբ զօդուած բարբառ Մայրենի:

Քանի աստղերի քարթիչների տակ,
 Կը ծփայ վանայ ծովը կապուտակ,
 Պիտի դօղանջես ջերմ ու կենդանի,
 Զօրացած, զտուած բարբառ Մայրենի:

Քանի մեր երգը հնչում է հզօր,
 Եւ հայ մայրերը երգում են օրօր,
 Քո ամենագոր լոյսը չի հատնի,
 Մեր հոգում ջահուած բարբառ Մայրենի:

Քանի՛ Դաւթի պէս կայծակը ձեռքին՝
 Պաշտպան ենք կանգնել Հայոց լեռներին,
 Դուն երբեք, երբեք, երբեք չես մեռնի,
 Յաւերժ հաստատուած բարբառ Մայրենի:

ՍԱՐՄԷՆ